

Broj:02-05-6482-13/13  
Sarajevo, 21.03.2013. godine

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj: 24/03 - Prečišćeni tekst), Vlada Kantona Sarajevo, na 16. sjednici održanoj 21.03.2013. godine, donijela je sljedeći

## ZAKLJUČAK

1. Prima se na znanje Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec februar 2013. godine.
2. Informacija iz tačke 1. ovog Zaključka dostavlja se Skupštini Kantona Sarajevo, informativno.

P R E M I J E R

Suad Zeljković

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo unutrašnjih poslova
5. Evidencija
6. A r h i v a



web: <http://vlada.ks.gov.ba>  
e-mail: [vlada@vlada.ks.gov.ba](mailto:vlada@vlada.ks.gov.ba)  
Tel: + 387 (0) 33 562-068, 562-070  
Fax: + 387 (0) 33 562-211  
Sarajevo, Reisa Džemaludina Čauševića 1



**INFORMACIJA**

O STANJU KRIMINALITETA, JAVNOG REDA I MIRAI SIGURNOSTI SAOBRAĆAJA NA  
PODRUČJU KANTONA SARAJEVO ZA MJESEC FEBRUAR 2013. GODINE

# 1. KRIMINALITET

## 1.1. OSNOVNI STATISTIČKI POKAZATELJI KRIMINALITETA

U mjesecu februaru 2013. godine, na području Kantona Sarajevo registrovano je 508 krivičnih djela<sup>1</sup> što je za 103 ili 25,4% više u odnosu na isti mjesec prethodne godine (tabela 1,2,3).

Od ukupnog broja registrovanih krivičnih djela, 360 ili 70,9% izvršeno je od strane nepoznatih, a 148 ili 29,1% od strane poznatih izvršilaca (tabela 1).

Od ukupnog broja krivičnih djela prijavljenih po nepoznatom izvršiocu, za 196 djela<sup>2</sup> ili 54,4% naknadno je identifikovan osumnjičeni izvršilac, od čega je 101 krivično djelo iz izvještajnog, a 95 je iz ranijeg perioda (tabela 1).

Iz naprijed navedenog proizilazi da su službenici Uprave policije MUP-a KS u mjesecu februaru 2013. godine za ukupno 344 krivična djela ili 67,7%, identifikovali osumnjičene izvršioce, što je za 1,7% manje u odnosu na isti mjesec prethodne godine (tabela 3).

(tabela 1.) Osnovni statistički pokazatelji stanje kriminaliteta u mjesecu februaru 2013. godine

Ukupno	Broj KD		Broj KD za koja su naknadno identifikovani osumnjičeni izvršioци		Broj prijavljenih lica			Lišeno slobode
	od toga		Ukupno	od toga iz ranijeg perioda	Ukupno	od toga		
	po poznatom izvršiocu	po NN izvršiocu				maloljetnici	povratnici	
508	148	360	196	95	255	11	177	106

Zbog postojanja osnova sumnje da su počinili krivična djela prijavljeno je 255 lica (50 više), od čega je 177 povratnika (32 više) u izvršenju krivičnih djela (ili 69,4%), 11 maloljetnika (šest manje), a 106 lica je lišeno slobode (15 više). (tabela 1).

(tabela 2.) Pregled kriminaliteta na području Kantona Sarajevo u mjesecu februaru 2013/12. godine posmatrano po glavama KZ FBiH-a (Sl. novine FBiH-a br. 36/03) i KZ BiH-a (Sl. glasnik BiH-a br.3/03)

KRIVIČNA DJELA PROTIV	februar 2013.	februar 2012.	uporedba		rasvj. februar 2013.	
			+/-	%	broj	%

<sup>1</sup> U ovom mjesecu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 338 obavijesti (129 više) o događajima u kojima je pričinjena neznatna materijalna šteta.

<sup>2</sup>

□ Struktura krivičnih djela za koja su naknadno identifikovani osumnjičeni izvršioци:  
teška krađa – 126 djela, razbojništvo – 28, krađa – 18, oštećenje tuđe stvari – sedam, prikrivanje – tri, teška krađa u pokušaju, prijevara i nasilničko ponašanje – po dva, teška tjelesna ozljeda, ugrožavanje sigurnosti, krađa u pokušaju, razbojnička krađa, paljevina, izazivanje opće opasnosti, izazivanje opće opasnosti u pokušaju i krivotvorenje isprave - po jedno djelo.

					kd	
ŽIVOTA I TIJELA	5	15	-10	-66,7%	5	100%
SLOBODE I PRAVA ČOVJEKA I GRAĐANINA	18	15	3	20%	17	94,4%
SPOLNE SLOBODE I MORALA	0	1	-1	---	0	---
BRAKA, PORODICE I MLADEŽI	18	19	-1	-5,3%	18	100%
ZDRAVLJA LJUDI	14	18	-4	-22,2%	14	100%
IMOVINE	401	299	102	34,1%	239	59,6%
OKOLIŠA	1	0	1	---	1	100%
OPĆE SIGURNOSTI LJUDI I IMOVINE	9	5	4	80%	8	88,9%
SIGURNOSTI JAVNOG PROMETA	8	3	5	166,7%	8	100%
PRAVOSUĐA	2	1	1	100%	2	100%
JAVNOG REDA I PRAVNOG PROMETA	23	23	0	isto	23	100%
PRIVREDE I JEDINSTVA TRŽIŠTA TE KD IZ OBLASTI CARINA (KZBiH)	1	0	1	---	1	100%
ZONDINOIM-a (SI.novine KS br.38/07)	8	6	2	33,3%	8	100%
<b>UKUPNO</b>	<b>508</b>	<b>405</b>	<b>103</b>	<b>25,4%</b>	<b>344</b>	<b>67,7%</b>

*U mjesecu februaru 2013. godine u odnosu na isti mjesec prethodne, zabilježeno je povećanje broja registrovanih krivičnih djela za 103 djela i to: u oblasti protiv imovine (za 102 djela), sigurnosti javnog prometa (za pet), opće sigurnosti ljudi i imovine (za četiri), slobode i prava čovjeka i građanina (za tri), itd. dok je smanjenje evidentirano u oblasti protiv života i tijela (za deset djela), zdravlja ljudi (za četiri), itd. (tabela 2).*

(tabela 3.) Pregled prijavljenih i „rasvijetljenih“ krivičnih djela u mjesecu februaru 2013/12. godine po policijskim upravama

MJESEC	ORG. JEDINICA	MUP KS u sjed.	I PU	II PU	III PU	IV PU	V PU	ukupno
<b>FEBRUAR 2013. GODINE</b>	<b>BROJ KRIVIČNIH DJELA</b>	<b>23</b>	<b>142</b>	<b>113</b>	<b>94</b>	<b>94</b>	<b>42</b>	<b>508</b>
	<b>BROJ „RASVIJETLJENIH“ KRIVIČNIH DJELA</b>	<b>27</b>	<b>84</b>	<b>57</b>	<b>76</b>	<b>66</b>	<b>34</b>	<b>344</b>
	<b>PROCENAT „RASVIJETLJENOSTI“ KRIVIČNIH DJELA</b>	<b>117,4%</b>	<b>59,2%</b>	<b>50,4%</b>	<b>80,9%</b>	<b>70,2%</b>	<b>81%</b>	<b>67,7%</b>
februar 2012. godine	BROJ KRIVIČNIH DJELA	15	122	71	90	74	33	405
	BROJ „RASVIJETLJENIH“ KRIVIČNIH DJELA	13	73	44	72	56	23	281
	PROCENAT	86,7%	59,8%	62%	80%	75,7%	69,7%	69,4%
uporedba februar 2013/12.	+/- KD	8	20	42	4	20	9	103
	+/- „RASVIJETLJENO“ KD	14	11	13	4	10	11	63
	+/- % „RASVIJETLJENOSTI“	30,7%	-0,6%	-11,6%	0,9%	-5,5%	11,3%	-1,7%

(tabela 4.) Pregled registrovanih krivičnih djela na području Kantona Sarajevo u mjesecu februaru 2013. godine

ČLAN	KZ	NAZIV ČLANA	KD <sup>3</sup>	NN	NR
			UKUPNO		
172	FBiH	TEŠKA TJELESNA OZLJEDA	3	1	1
173	FBiH	LAHKA TJELESNA OZLJEDA	2	0	0
183	FBiH	UGROŽAVANUJE SIGURNOSTI	18	2	1

<sup>3</sup> KD – ukupan broj registrovanih krivičnih djela, NN - broj djela počinjenih od strane nepoznatih izvršilaca, NR - broj naknadno rasvijetljenih krivičnih djela

222	FBiH	NASILJE U PORODICI	18	0	0
238	FBiH	NEOVLAŠĆENA PROIZVODNJA I STAVLJANJE U PROMET OPOJNIH DROGA	2	0	0
239	FBiH	POSJEDOVANJE I OMOGUĆAVANJE UŽIVANJA OPOJNIH DROGA	12	0	0
286	FBiH	KRAĐA	56	46	18
286/28	FBiH	KRAĐA U POKUŠAJU	1	1	1
287	FBiH	TEŠKA KRAĐA st 1.tačka a)	245	231	118
287/B	FBiH	TEŠKA KRAĐA NA NAROČITO OPASAN ILI NAROČITO DRZAK NAČIN	18	14	8
287/28	FBiH	TEŠKA KRAĐA U POKUŠAJU	6	3	2
287/33	FBiH	TEŠKA KRAĐA U POMAGANJU	1	0	0
288	FBiH	RAZBOJNIČKA KRAĐA	3	3	1
289	FBiH	RAZBOJNIŠTVO	41	38	28
289/28	FBiH	RAZBOJNIŠTVO U POKUŠAJU	1	1	0
290	FBiH	UTAJA	5	0	0
293	FBiH	OŠTECENJE TUĐE STVARI	14	7	7
294	FBiH	PRIJEVARA	6	3	2
300	FBiH	PRIKRIVANJE	4	3	3
301	FBiH	PALJEVINA	0	0	1
316	FBiH	ŠUMSKA KRAĐA	1	1	0
323	FBiH	IZAZIVANJE OPCE OPASNOSTI	9	3	1
323/28	FBiH	IZAZIVANJE OPCE OPASNOSTI U POKUŠAJU	0	0	1
332	FBiH	UGROŽAVANJE JAVNOG PROMETA	1	0	0
336	FBiH	TEŠKA KRIVIČNA DJELA PROTIV SIGURNOSTI JAVNOG PROMETA	6	0	0
337	FBiH	NEUKAZIVANJE POMOĆI OSOBI OZLIJEDENOJ U PROMETNOJ NEZGODI	1	0	0
339	FBiH	PRIPREMANJE KRIVIČNOG DJELA	1	0	0
346	FBiH	POMOĆ UČINITELJU POSLIJE UČINJENOG KRIVIČNOG DJELA	1	0	0
358	FBiH	SPRJEČAVANJE SL. OSOBE U VRŠENJU SLUŽBENE RADNJE	1	0	0
359	FBiH	NAPAD NA SLUŽBENU OSOBU U VRŠENJU POSLOVA SIGURNOSTI	2	0	0
362	FBiH	NASILNICKO PONAŠANJE	8	2	2
366	FBiH	SKIDANJE ILI POVREDA SLUŽBENOG PEČATA ILI ZNAKA	1	0	0
370	FBiH	SAMOVLAŠĆE	2	0	0
371	FBiH	NEDOZVOLJENO DRŽANJE ORUŽJA ILI EKSPLOZIVNIH MATERIJIA	6	0	0
373	FBiH	KRIVOTVORENJE ISPRAVE	3	1	1
205 BH	BiH	KRIVOTVORENJE NOVCA	1	0	0
ZON.	ZON.	ZONDINOM (SL. NOVINE KS br.38/07)	8	0	0

## 1.2. PREGLED KRIVIČNIH DJELA PO OBLASTIMA

### 1.2.1. KRIVIČNA DJELA PROTIV ŽIVOTA I TIJELA

U ovoj oblasti evidentirano je pet krivičnih djela (deset manje u odnosu na isti mjesec 2012. godine), i to: teška tjelesna ozljeda – tri (osam manje) i lahka tjelesna ozljeda – dva djela (jedno manje).

Za sva djela iz ove oblasti identifikovani su osumnjičeni izvršioc, a zbog postojanja osnova sumnje da su ih počinili, nadležnom tužilaštvu podneseni su službeni izvještaji protiv pet lica, a dva su lišena slobode.

### 1.2.2. KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 18 krivičnih djela (tri više) - ugrožavanje sigurnosti, za čije je izvršenje prijavljeno 20 lica, a jedno je lišeno slobode.

Krivična djela ugrožavanja sigurnosti evidentirana su na području sljedećih općina: Novo Sarajevo – sedam, Ilidža – četiri, Stari Grad, Novi Grad i Vogošća – po dva i Hadžići – jedno djelo, a počinjena su upućivanjem verbalnih prijetnji, pisanih poruka i sl.

### 1.2.3. KRIVIČNA DJELA PROTIV BRAKA, PORODICE I MLADEŽI

U ovoj oblasti evidentirano je 18 djela (jedno manje) i to: nasilje u porodici, za čije je izvršenje prijavljeno 18 lica, a pet je lišeno slobode.

Krivična djela nasilje u porodici evidentirana su na području općina: Novi Grad, Ilidža i Vogošća - po četiri djela, Stari Grad – tri, Novo Sarajevo – dva i Centar – jedno djelo.

#### 1.2.4. KRIVIČNA DJELA PROTIV ZDRAVLJA LJUDI

U mjesecu februaru ove godine prijavljeno je 14 krivičnih djela iz oblasti protiv zdravlja ljudi (četiri manje) i to:

- neovlašćena proizvodnja i stavljanje u promet opojnih droga (čl. 238. KZ FBiH) – dva,
- posjedovanje i omogućavanje uživanja opojnih droga (čl. 239. KZ FBiH) – 12 djela.

Zbog postojanja osnova sumnje da su počinili navedena djela podneseni su službeni izvještaji protiv 14 lica, a sedam je lišeno slobode.

- Policijski službenici Uprave policije su Kantonalnom tužilaštvu Sarajevo podnijeli službene izvještaje protiv J. Admira (1983), K. Lejle (1987) i B. Rasima (1986) zbog postojanja osnova sumnje da su počinili krivično djelo **iz člana 238. KZ FBiH-a (neovlašćene proizvodnje i stavljanja u promet opojnih droga)**, te protiv 11 lica zbog postojanja osnova sumnje da su počinili krivično djelo **iz člana 239. KZ FBiH-a (posjedovanje i omogućavanje uživanja opojnih droga)**.

(Tabela 5.) Tabelarni prikaz oduzete količine opojnih droga

VRSTA OPOJNE DROGE	februar 2013. godine	februar 2012. godine
Marihuana (paketići)	3	4
Marihuana (JOINT - cigarete)	---	3
Heroin (paketići)	50	7
Heroin (u gramima)	---	50
Amfetamin (paketići)	9	1
pribor sa ostacima droge	11	4

Podneseno je 14 zahtjeva za vještačenje nepoznate materije koja asocira na drogu po naređenju nadležnih tužilaca Kantonalnog tužilaštva Kantona Sarajevo. Takođe s ciljem pronalazjenja narkotičkih sredstava izvršen je pregled 13 lica, šest stambenih objekata i automobila po usmenim naredbama Opštinskog suda u Sarajevu.

#### 1.2.5. KRIVIČNA DJELA PROTIV IMOVINE

U ovom mjesecu, registrovano je 401 krivično djelo protiv imovine, što je za 102 djela ili 34,1% više u odnosu na isti mjesec prošle godine. Među djelima iz ove oblasti najbrojnije su: teške krađe – 263 djela (99 više), zatim krađe – 56 (osam više), razbojništvo – 41 (13 manje), oštećenje tuđe stvari – 14 (isti broj djela), teška krađa u pokušaju – šest (tri manje), prijevara – šest (tri više), itd.

Za ukupno 239 djela iz ove oblasti ili 59,6% identifikovan je osumnjičeni izvršilac (1,6% manje).

Kada su u pitanju teške krađe, prema objektu izvršenja najbrojnija su bila motorna vozila (otuđenja pmv i "provale" u ista) - 103 puta (44 više), zatim stambeni objekti – 102 (52 više), poslovni objekti - 40 (pet manje), itd.

Takođe, u mjesecu februara ove godine izvršeno je 45 krivičnih djela teških krađa motornih vozila od čega je 15 ili 33,3% pronađeno i vraćeno vlasnicima (od strane policije MUP-a KS vraćeno je devet vozila, policije PU Kiseljak – dva i od strane vlasnika pronađena su - četiri vozila).

(Tabela 6.) Tabelarni prikaz broja otuđenih i vraćenih putničkih motornih vozila na području Kantona Sarajevo po policijskim upravama u mjesecu februaru 2013. godine

POLICIJSKA UPRAVA	I PU	II	III PU	IV PU	V PU	UKUPNO
broj otuđenih pmv	12	17	13	3	0	45
broj vraćenih pmv	5	5	3	2	0	15
% vraćenih pmv	41,7%	29,4%	23,1%	66,7%	---	33,3%

Zbog postojanja osnova sumnje da je učestvovao u otuđenju motornih vozila, u mjesecu februaru lišen je slobode Š.Aldin (1989) i uz službeni izvještaj predat nadležnom tužilaštvu na postupanje.

Broj teških krađa motornih vozila u mjesecu februaru ove godine u odnosu na isti mjesec prethodne godine, povećan je za 27 ili 150%. (tabela 7.)

(Tabela 7.) Pregled broja otuđenih motornih vozila na području Kantona Sarajevo po policijskim upravama u mjesecu februaru 2013/12. godine

POLICIJSKA UPRAVA		I PU	II	III PU	IV PU	V PU	UKUPNO
<b>broj otuđenih vozila–februar 2013.g</b>		12	17	13	3	0	45
broj otuđenih vozila–februar 2012. g.		4	5	6	3	0	18
uporedba februar 2013/12. godina	+,-	8	12	7	0	0	27
	%	200%	240%	116,7%	isto	---	150%

Prijavljeno je 56 krivičnih djela krađe (osam više), koja su izvršene 18 puta u poslovnim prostorijama (tri više), 12 puta u vozilima i na stajalištima GRAS-a (četiri više), 11 puta na ulici (jedna manje), 10 puta u stambenim objektima (tri manje), itd. odakle su otuđivani novčanici, prehrambeni proizvodi, cigarete, čelični profili, lijekovi, kozmetika, tehnička roba, garderoba, itd.

U mjesecu februaru 2013. godine, registrovano je 41 krivično djelo razbojništva (13 manje), od čega je za 31 ili 75,6% identifikovan osumnjičeni počinitelj što je za 44,1% više. Ova djela evidentirana su na području slijedećih općina: Centar – 13 (isti broj), Novo Sarajevo – 11 (šest manje), Stari Grad – sedam (jedno više), Novi Grad – četiri (sedam manje), Ilidža – tri (dva manje), itd.

Razbojništva su izvršena prijetnjom upotrebe vatrenog oružja - 17 puta, prijetnjom upotrebe noža - 10 i upotrebom fizičke snage – 14 puta, a počinjena su u prodavnicama – 24 puta, na ulici -12, u sportskim kladionicama – tri, u banci i apoteci – po jednom. Otudivan je novac, mobiteli, tašne, itd.

Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv 21 lica (od čega je 18 povratnika ili 85,7%), a 15 je lišeno slobode.

Evidentirano je 18 krivičnih djela teških krađa na naročito opasan ili naročito drzak način (jedno manje), u kojima su izvršiocima, upotrebom fizičke snage – osam puta, te verbalnom prijetnjom u 10 slučajeva, otimali nakit, novac i mobitele. Ova djela izvršena su na otvorenom prostoru – (ulica, park, GRAS-ova stajališta i sl.) – 15 puta, u prodavnici – dva i u trolejbusu - jednom.

Za ukupno 12 ovih krivičnih djela identifikovani su osumnjičeni izvršiocima ili 66,7% što je za 8,8% više.

Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv 10 lica (od čega je sedam povratnika), a pet je lišeno slobode.

Iz ove oblasti evidentirano je devet djela (četiri više) - izazivanje opće opasnosti, a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv osam lica a jedno je lišeno slobode.

- Krivična djela izazivanja opće opasnosti izvršena su sedam puta na otvorenom prostoru, te po jednom u ugostiteljskom i stambenom objektu. U dva slučaja aktivirana je nepoznata eksplozivna naprava, zatim dva puta otvorenim plamenom izazvan je požar i u pet slučajeva pucano je iz vatrenog oružja. Posljedica izvršenja navedenih djela je nastala materijalna šteta.

#### 1.2.7. KRIVIČNA DJELA PROTIV JAVNOG REDA I PRAVNOG PROMETA


U ovoj oblasti registrovana su 23 krivična djela (isti broj djela), od čega se najveći broj odnosi na nasilničko ponašanje – osam djela (dva manje), nedozvoljeno držanje oružja ili eksplozivnih materija – šest (tri više), krivotvorenje isprave – tri (isti broj), napad na službenu osobu u vršenju poslova sigurnosti i samovlašće – po dva, itd. Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 26 lica, a 12 je lišeno slobode.

#### 1.3. KRIVIČNA DJELA POČINJENA OD STRANE MALOLJETNIH LICA

U toku mjeseca februara 2013. godine, policijski službenici su nadležnom tužilaštvu podnijeli službene izvještaje protiv 11 maloljetnih lica zbog postojanja osnova sumnje da su izvršili 14 krivičnih djela. U odnosu na isti mjesec 2012. godine, broj maloljetnih učinilaca krivičnih djela smanjen je za šest ili 35,3%, a broj krivičnih djela za koja su prijavljeni maloljetnici smanjen je za 14 ili 50%.

Među prijavljenim maloljetnim izvršiocima, jedan je u dobi do 14 godina, tri u dobi između 14 i 16 godina, a sedam je u dobi od 16 do 18 godina. Od ukupnog broja maloljetnih izvršilaca krivičnih djela, tri su povratnika (i ranije činili krivična djela), a osam ih je prvi put registrovano.

Grafički prikaz broja krivičnih djela izvršenih od strane maloljetnih lica u toku mjeseca februara 2013./2012. godine, po organizacionim jedinicama



U ukupnom broju krivičnih djela koja su počinili maloljetnici, prevladavaju teške krađe na naročito drzak i opasan način-pet i teške krađe-četiri, a maloljetna lica su prijavljena i za izvršenje po jednog djela: teška tjelesna povreda, razbojništvo, krađa, pokušaj teške krađe i posjedovanje opojne droge.

Struktura krivičnih djela izvršenih od strane maloljetnih lica u toku mjeseca februara 2013/2012. godine

KRIVIČNA DJELA	februar 2013	februar 2012	Uporedba
Teška tjelesna povreda	1	1	0



Ugrožavanje sigurnosti	0	2	-2 ili -100%
Neov. proiz. i stavljanje u promet opojnih droga	0	1	-1 ili -100%
Posjedovanje opojne droge	1	1	0
Razbojništvo	1	0	+1
Teška krađa	4	13	-9 ili -69,2%
Krađa	1	1	0
„Drška“ krađa	5	2	+3 ili 150%
Pokušaj teške krađe	1	3	-2 ili -66,7%
Utaja	0	1	-1 ili -100%
Oštećenje tuđe stvari	0	1	-1 ili -100%
Izazivanje opće opasnosti	0	1	-1 ili -100%
Nasilničko ponašanje	0	1	-1 ili -100%
UKUPNO	14	28	-14 ili -50%

#### 1.4. OSTALA PROTIVPRAVNA I ASOCIJALNA PONAŠANJA

##### 1.4.1. AKTIVIRANJE MINSKO-EKSPLOZIVNIH SREDSTAVA

U toku mjeseca februara 2013. godine evidentirana su dva slučaja aktiviranja minsko-eksplozivnih sredstava (u istom mjesecu 2012. godine nijedan), ali bez obilježja krivičnog djela. U jednom slučaju je usljed aktiviranja nepoznate eksplozivne naprave, koju je pokušao prerezati električnom brusilicom, smrtno stradao M.A. (r.1976. godine), a u drugom slučaju je, zbog aktiviranja eksplozivne naprave koja je zaostala iz rata, jedno lice zadobilo lakše tjelesne povrede.

Slučajevi aktiviranja minsko-eksplozivnih sredstava u toku mjeseca februara 2013. godine

r.b	Općina	Ulica i mjesto	Datum i vrijeme	Posljedice
1.	Hadžići	Stupnik, Igman, šuma	24.02.2013, oko 13,00	Eksplozivna naprava zaostala iz rata, lakše povrijeđen B.E.-1956.
2.	Trnovo	Gračanica, dvorište kuće	28.02.2013, oko 15,45 sati	Prilikom sječe električnom brusilicom metalnog tijela nepoznate eksplozivne naprave, a usljed djelovanja gelera, smrtno je stradao M. A.-1976, a nastala su i oštećenja na dvije kuće.

U proteklom mjesecu nepoznati izvršilac bacio je flašu sa zapaljivom tečnošću na putničko vozilo na području općine Stari Grad, koja se zapalila i izazvala manji plamen na vozilu.

Registrovana je jedna anonimna dojava o postavljenoj eksplozivnoj napravi (kao i u istom mjesecu prošle godine) koja se odnosila na ugostiteljski objekat u Hadžićima. Nakon KDZ pregleda utvrđeno je da je dojava bila lažna.

##### 1.4.2. POŽARI

Tokom mjeseca februara 2013. godine, na području Kantona Sarajevo registrovano je pet požara (osam manje), koji su za posljedicu imali materijalnu štetu.

Požari su registrovani na području općina: Stari Grad – dva, Ilidža, Hadžići i Ilijaš – po jedan požar.

Prema statističkim pokazateljima, dva požara su izazvano namjerno, jedan zbog tehničkih nedostataka, dok uzrok dva požara spada u kategoriju ostalih.

Zbog izazivanja požara nadležnom tužilaštvu su podnesena dva službena izvještaja iz člana 323 KZ FBiH (izazivanje opće opasnosti).

##### 1.4.3. OSTALE AKTIVNOSTI

U mjesecu februaru ove godine, policijski službenici su u sklopu operativnih aktivnosti izvršili pretres 117 lica, 37 stanova, izvršili utvrđivanje identiteta za 67 lica i lišili slobode 17 lica za kojima je bila raspisana potjernica. Takođe, pružene su 24 asistencije i to na zahtjev državnih organa 21, a po ostalim zahtjevima - tri asistencije.

U cilju dokumentovanja krivičnih djela i identifikacije izvršilaca, izvršena su 342 uviđaja, pronađeno i obrađeno 688 tragova, u 267 slučajeva fotografisano je lice mjesta, 24 puta je skicirano lice mjesta, izvršeno 91 vještačenje i daktiloskopirano 40 lica.

U okviru potražne djelatnosti raspisano je 14 potjernica od strane sudova Kantona Sarajevo, a 20 je obustavljeno. Takođe, zaprimljeno je šest prijava o nestalim licima, a devet je obustavljeno.

U okviru depešnog saobraćaja predate su 2.462 depeše, primljeno 5.040, zatim tranzitirano 825, te putem faksa za područje RS-a, Granične policije i Distrikta Brčko predata 31 depeša, što ukupno iznosi 8.358 obrađenih i razmjenjenih depeša.

Za potrebe tužilaštva i drugih nadležnih organa izvršeno je 3.270 provjera iz evidencija, na zahtjev građana izdato 337 uvjerenja o njihovoj osuđivanosti ili neosuđivanosti, otvoreno 86 novih dosja i evidentirana 462 lica oštećena činjenjem krivičnih djela. Takođe, kontinuirano su pripremane informacije, pregledi i analize za interno i eksterno informisanje.

#### 1.4.4. SAMOUBISTVA

U mjesecu februaru 2013. godine na području Kantona Sarajevo registrovana su tri samoubistva (isti broj) i to na području općina Centar, Novi Grad i Ilidža, a izvršena su vješanjem – dva i samospaljivanjem - jedno. Izvršiocu su jedna žena i dva muškarca u dobi od 21 do 30 godina – jedno i od 41 do 50 godina – dva lica.

## 2. JAVNI RED I MIR

U toku mjeseca februara 2013. godine, policijski službenici MUP-a Kantona Sarajevo su protiv učinilaca prekršaja kojima se narušava javni red i mir podnijeli ukupno 372 prekršajna naloga i zahtjeva za pokretanje prekršajnog postupka (naloga -249, zahtjeva-123), što u odnosu na mjesec februar 2012. godine predstavlja povećanje za 72 ili 24%.

Prekršajne sankcije preduzete su protiv 418 lica, što u odnosu na isti mjesec 2012. godine predstavlja povećanje za 85 ili 25,5%. Među učiniocima prekršaja iz oblasti javnog reda i mira, 42 su povratnika u izvršenju ovih prekršaja, 15 je maloljetnika i jedan strani državljanin, a prema starosnoj strukturi učinilaca prekršaja najbrojniji su oni preko 36 godina (193), zatim između 26 i 35 godina (126) i između 19 i 25 godina (84).


Najveći broj naloga i zahtjeva odnosi se na prekršaje utvrđene Zakonom o prekršajima protiv javnog reda i mira – 351( ili 94,4%), dok je zbog prekršaja utvrđenih Odlukom općinskih vijeća o javnom redu i miru podnesen 21 nalog (ili 5,6%).

Prilikom narušavanja javnog reda i mira, u slučajevima koji su sankcionisani u skladu sa Zakonom o prekršajima protiv javnog reda i mira, nije bilo teže povrijeđenih lica (kao ni u uporednom mjesecu 2012. godine ), dok je lakše povrijeđeno 31 lice (18 ili 36,7% manje), među kojima osam maloljetnika.

Grafički prikaz broja prekršajnih sankcija preduzetih u toku mjeseca februara 2013./2012. godine, po policijskim upravama (i Jedinica za saobraćaj)

Posmatrano po policijskim upravama, najveći broj prekršajnih naloga i zahtjeva za pokretanje prekršajnog postupka podnijeli su policijski službenici Prve policijske uprave (224 ili 60,2% od ukupnog broja), a znatno manje ostale policijske uprave: Druga PU- 50 ili 13,4%, Treća PU- 46 ili 12,4%, Četvrta PU- 32 ili 8,6%, te Peta PU -11 ili 3,%. Policijski službenici Jedinice za saobraćaj MUP-a Kantona Sarajevo uručili su devet prekršajnih naloga (ili 2,4%). Kao i dosada, najveći broj prekršajnih sankcija koje su preduzele policijske stanice Stari Grad i Centar odnosi se na prekršaje učinjene prosjačenjem, koje je najizraženije upravo na području ove dvije općine. Naime, zbog ovog prekršaja, Prva policijska uprava preduzela je 147 prekršajnih sankcija, ili 65,6% od ukupnog broja.

Grafički prikaz broja prekršajnih sankcija u toku mjeseca februara 2013./2012. godine, po policijskim stanicama



**Povećanje broja** prekršajnih sankcija, u odnosu na mjesec februar 2012. godine, imale su policijske stanice:

- Stari Grad (za 55 ili 90,2%);
- Centar (za 17 ili 18,7%);
- Novi Grad (za dva ili 4,5%);
- Hadžići (za četiri ili 28,6%);
- PO Trnovo (za dva);
- Ilijaš (za jedan ili 33,3%) i
- Jedinica za sigurnost saobraćaja (za pet ili 125%).

**Smanjenje broja prekršajnih sankcija imale su policijske stanice:**

- Novo Sarajevo (za šest ili 10,7%);
- Ilidža (za sedam ili 36,8%) i
- Vogošća (za jedan ili 12,5%).

Tabelarni pregled strukture prekršaja iz oblasti javnog reda i mira  
za mjesec februar 2013./2012.godina

PREKRŠAJI IZ ZAKONA O JRIM:	FEBRUAR 2013.	FEBRUAR 2012.	UPOREDBA A
<b>-Tuče</b>	60	70	-10 ili -14,3%
<b>-Naročito drsko ponašanje</b>	33	39	-6 ili -15,4%
<b>-Odbijanje naređenja i omalovaž. pol. služb.</b>	38	19	+19 ili 100%
<b>-Prosjačenje</b>	<b>168</b>	<b>118</b>	+50 ili 42,4%
<b>-Svađa, vika, nepristojno ponašanje</b>	15	3	+12 ili 400%
<b>-Paljenje petardi</b>	1	0	+1
<b>-Ostali prekršaji iz Zakona o JRiM</b>	36	38	-2 ili -5,3%
Prekršaji prema Odluci općinskog vijeća o JRiM	21	13	+8 ili 61,5%
ukupno	372	300	+72 ili 24%

U strukturi prekršaja najbrojniji su prekršaji učinjeni prosjačenjem (168 ili 45,2%), zatim tučama (60 ili 16,1%), odbijanjem naređenja i omalovažavanjem policijskih službenika (38 ili 10,2%), te naročito drskim ponašanjem (33 ili 8,9%). Prekršajne sankcije su preduzete i zbog prekršaja učinjenih svađom, vikom i nepristojnim ponašanjem (15 ili 4%), paljenja petardi (jedna), te zbog svih ostalih prekršaja (36 ili 9,7%). Zbog prekršaja koji su utvrđeni Odlukom općinskih vijeća o javnom redu i miru uručen je 21 prekršajni nalog (ili 5,6%).

U odnosu na isti mjesec 2012. godine, u proteklom mjesecu smanjen broj prekršajnih sankcija zbog prekršaja učinjenih naročito drskim ponašanjem, tučama, te zbog ostalih prekršaja, dok je zbog svih ostalih prekršaja broj sankcija povećan, što se posebno odnosi na prekršaje učinjene svađom, vikom i nepristojnim ponašanjem, te omalovažavanjem policijskih službenika.

Najveći broj prekršajnih sankcija preduzet je zbog prekršaja izvršenih na ulici i na drugim otvorenim prostorima (305 ili 82%), a znatno manje zbog prekršaja učinjenih u ugostiteljskim objektima (18 ili 4,8%), školama i školskim dvorištima (sedam), trgovinskim radnjama (tri), sportskim terenima (dva), u vozilima javnog saobraćaja (jedan) i na ostalim mjestima (36). U poređenju sa istim mjesecom 2012. godine, u proteklom mjesecu smanjen je samo broj prekršaja koji su učinjeni u trgovinskim i zanatskim radnjama, u vozilima javnog saobraćaja je isti, a na svim ostalim mjestima taj broj je povećan, što se posebno odnosi na škole i školaska dvorišta.

Tabelarni pregled broja prekršajnih sankcija  
u mjesecu februaru 2013/2012. godine, prema mjestu izvršenja

MJESTO IZVRŠENJA	FEBRUAR 2013.	FEBRUAR 2012.	UPOREDBA
Ugostiteljski objekti	18	14	+4 ili 28,6%
Ulice i drugi otvoreni prostori	<b>305</b>	<b>251</b>	+54 ili 21,5%
Vozila javnog saobraćaja	1	1	0
Škole i školska dvorišta	7	2	+5 ili 250%
Trgovine i zanatske radnje	3	6	-3 ili -50%
Sportski tereni	2	0	+2
Ostala mjesta	36	26	+10 ili 38,5%

UKUPNO	372	300	+72 ili 24%
--------	-----	-----	-------------

Kada su u pitanju krivična djela izvršena u školama i školskim dvorištima, u mjesecu februaru ove godine podnesena su dva službena izvještaja (u istom mjesecu 2012. godine sedam) i to zbog krivičnih djela ugrožavanja sigurnosti i teške krađe na naročito drzak i opasan način.

Policijski službenici su u toku mjeseca februara 2013. godine bili angažovani na osiguranju javnih skupova koji su održani na području Kantona Sarajevo i tim povodom preduzimane su odgovarajuće planske aktivnosti na njihovom bezbjednom odvijanju, tako da su skoro sva javna okupljanja protekla bez narušavanja javnog reda i mira. Izuzetak je javni skup penzionisanih vojnika OSBiH, kada su protestanti pokušali nasilno ući u zgradu Parlamenta FBiH, što je spriječeno od strane policijskih službenika. Tom prilikom povrijeđena su dva lica.

U proteklom mjesecu, policijski službenici bili su angažovani na osiguranju 111 javnih skupova (34 ili 44,2% više u odnosu na isti mjesec 2012. godine), a u 46 slučajeva izvršeno je KDZ osiguranje ovih skupova (22 ili 91,7% više).

### 3. SAOBRAĆAJ

Tokom mjeseca februara 2013. godine, u odnosu na isti mjesec prošle godine, na području Kantona Sarajevo registrovano je smanjenje ukupnog broja saobraćajnih nezgoda i nezgoda sa materijalnom štetom, dok je povećan broj nezgoda sa nastradalim licima i broj nastradalih lica.

Evidentirano je 713 saobraćajnih nezgoda (250 ili 26 % manje), 664 sa materijalnom štetom (260 ili 28,1 % manje) i 49 sa nastradalim licima (10 ili 25,6 % više).

U naselju je registrovano 677 saobraćajnih nezgoda (43 sa povrijeđenim licima i 634 sa materijalnom štetom), van naselja 36 nezgoda (tri sa poginulim, tri sa povrijeđenim licima i 30 sa materijalnom štetom).

Evidentirano je 135 saobraćajnih nezgoda na raskrscicama u naselju, devet na raskrscicama van naselja, jedna na prelazu preko željezničke pruge i 568 saobraćajnih nezgoda čije se karakteristike puta ubrajaju u kategoriju ostalih.

Uporedni pokazatelji saobraćajnih nezgoda i posljedica na području Kantona Sarajevo za mjesec februar 2013/2012. godina

	februar 2013	februar 2012	+ ,-, %
UKUPNO SAOBRAĆAJNIH NEZGODA	713	963	- 250 ili 26 %
Saobraćajne nezgode sa nastradalim licima	49	39	+ 10 ili 25,6 %
Saobraćajne nezgode sa materijalnom štetom	664	924	- 260 ili 28,1 %
POGINULO LICA	3	1	+ 2 ili 200 %
- vozači	2	0	+ 2
-putnici	0	0	-----
- pješaci	1	1	isto
POVRIJEĐENO LICA	68	53	+ 15 ili 28,3 %
- vozači	25	14	+ 11 ili 78,6 %
- putnici	21	14	+ 7 ili 50 %
- pješaci	22	25	- 3 ili 12 %

Najveći broj saobraćajnih nezgoda evidentiran je na području općina: Centar (172) i Novi grad (161). Najveće povećanje broja saobraćajnih nezgoda registrovano je na području općine Vogošća (za 17 ili 51,5 %), a smanjenje na području općine Novo Sarajevo (za 76 ili 38,8 %).

Tabelarni pregled broja saobraćajnih nezgoda po općinama za mjesec februar 2013/2012. godina

period	UKUPAN BROJ SAOBRAĆAJNIH NEZGODA PO OPĆINAMA									ukupno
	Stari Grad	Centar	Novo Sarajevo	Novi Grad	Ilidža	Hadžići	Trnovo	Vogošća	Ilijaš	
2013	60	172	120	161	109	16	6	50	19	713
2012	90	237	196	197	149	32	13	33	16	963
+, -, %	- 30 ili 33,3 %	- 65 ili 27,4 %	- 76 ili 38,8 %	-36 ili 18,3 %	- 40 ili 26,8 %	- 16 ili 50 %	-7 ili 53,8 %	+ 17 ili 51,5 %	+ 3 ili 18,7 %	- 250 ili 26 %

### 3.1. POSLJEDICE SAOBRAĆAJNIH NEZGODA

Tokom mjeseca februara 2013. godine, u saobraćajnim nezgodama na području Kantona Sarajevo 71 lice je nastradalo (17 ili 31,5 % više). Tri lica su poginula<sup>4</sup> (dva ili 200 % više), dok je 68 lica povrijeđeno (15 ili 28,3 % više), 14 teže i 54 lakše.

Među povrijeđenim licima evidentirano je:

- 25 vozača (11 više)
- 22 pješaka (tri manje)
- 21 putnik (sedam više)

Tabelarni pregled nastradalih lica u saobraćajnim nezgodama po kategoriji učesnika za mjesec februar 2013/2012. godina

	POGINULO			TEŠKO POVRIJEĐENO			LAKŠE POVRIJEĐENO		
	feb. 2013	feb. 2012	+, -, %	feb. 2013	feb. 2012	+, -, %	feb. 2013	feb. 2012	+, -, %
VOZAČI	2	0	+ 2	2	1	+ 1 ili 100 %	23	13	+ 10 ili 76,9 %
PUTNICI	0	0	-----	3	1	+ 2 ili 200 %	18	13	+ 5 ili 38,5 %
PJEŠACI	1	1	isto	9	3	+ 6 ili 200 %	13	22	- 9 ili 40,9 %
UKUPNO	3	1	+ 2 ili 200 %	14	5	+ 9 ili 180 %	54	48	+ 6 ili 12,5 %

Kada je u pitanju stepen povreda, dva vozača su teže, a 23 lakše povrijeđena, tri putnika su teže, a 18 lakše povrijeđeno, dok je devet pješaka teže i 13 lakše povrijeđeno.

Najveći broj povrijeđenih lica registrovan je na području općina: Novi Grad - 16 (tri teže i 13 lakše) i Ilidža - 14 (četiri teže i 10 lakše).

Posljedice saobraćajnih nezgoda po policijskim upravama/stanicama za mjesec februar 2013/2012. godine

policijska uprava	policijska stanica/odjeljenje	broj poginulih lica			broj teže povrijeđenih lica			broj lakše povrijeđenih lica		
		feb. 2013	feb. 2012	uporedba	feb. 2013	feb. 2012	uporedba	feb. 2013	feb. 2012	uporedba
I PU	Stari grad	0	0	-----	0	1	- 1	2	2	-----

<sup>4</sup> Dana 04. 02.2013. godine, na magistralnom putu M 17, u mjestu Đanići (općina Hadžići), poginuo je Š. H. (61) – pješak.

Dana 22. 02. 2013. godine, na magistralnom putu M 18, u naselju Kobilja glava (općina Vogošća), poginuo je F. E. (20) – vozač.

Dana 28.02.2013. godine, na magistralnom putu M 17, u mjestu Smucka (općina Hadžići), poginula je F. R. (35) – vozač.

	Centar	0	0	-----	3	0	+ 3	10	15	- 5 ili 33,3 %
II PU	Novo Sarajevo	0	0	-----	1	0	+ 1	6	7	- 1 ili 14,3 %
III PU	Novi Grad	0	1	- 1	3	2	+ 1 ili 50 %	13	13	isto
IV PU	Ilidža	0	0	-----	4	1	+ 3 ili 300 %	10	5	+ 5 ili 100 %
	Hadžići	2	0	+ 2	1	0	+ 1	4	0	+ 4
	Trnovo	0	0	-----	0	0	-----	0	0	-----
V PU	Vogošća	1	0	+ 1	2	1	+ 1 ili 100 %	5	3	+ 2 ili 66,7 %
	Ilijaš	0	0	-----	0	0	-----	4	3	+ 1 ili 33,3 %
UKUPNO		3	1	+ 2 ili 200 %	14	5	+ 9 ili 180 %	54	48	+ 6 ili 12,5 %

Starosna struktura lica povrijeđenih u saobraćajnim nezgodama je: od 31 do 40 godina – 12 lica, od 21 do 24 godine – 11 lica, od 25 do 30 godina – osam lica, itd.

Prema kategoriji puta, najveći broj saobraćajnih nezgoda registrovan je na ulicama u naselju – 577 nezgoda u kojima je 48 lica povrijeđeno, zatim na magistralnim putevima – 69 nezgoda u kojima je 18 lica nastradalo (tri lica poginula, 15 lica povrijeđeno), na lokalnim putevima – 32 nezgode (četiri lica povrijeđena), na regionalnim putevima – 13 nezgoda (jedno lice povrijeđeno) i na putevima koji se ubrajaju u kategoriju ostalih – 22 saobraćajne nezgode (bez nastradalih lica).

### 3.1. UZROCI SAOBRAĆAJNIH NEZGODA

Od ukupno 713 uzroka saobraćajnih nezgoda, 132 su bila zbog neprilagođene brzine (dva lica poginula, 33 lica povrijeđena), 19 zbog uticaja alkohola (jedno lice poginulo, pet lica povrijeđeno), dok uzroci za 562 saobraćajne nezgode spadaju u kategoriju ostalih (30 lica povrijeđeno).

Evidentirano je sedam saobraćajnih nezgoda (tri manje), u kojima su učestvovali pripadnici MUP-a Kantona Sarajevo. U navedenim saobraćajnim nezgodama nije bilo nastradalih lica.

Evidentirane su 33 saobraćajne nezgode (18 manje) u kojima su učestvovali inostrani vozači i pet nezgoda (13 manje) u kojima su učestvovali vozači diplomatskog kora (bez nastradalih lica).

### 3.2. AKTIVNOSTI POLICIJE IZ OBLASTI SIGURNOSTI SAOBRAĆAJA

Tabelarni pregled aktivnosti policije po policijskim upravama za mjesec februar 2013 /2012. godine

	februar 2013/201 2	UKUPNO	I PU	II PU	III PU	IV PU	V PU	Jedinica za saob.
broj kontrolisanih vozila	2013	21.077	3.374	2.532	5.107	3.135	2.337	4.592
	2012	13.742	1.694	1.876	4.578	2.057	1.440	2.097
broj uručenih prekršajnih naloga	2013	13.475	2.659	1.498	978	901	1.086	6.353
	2012	9.148	1.330	1.195	589	654	402	4.978
broj zahtjeva za p.p.p.	2013	46	14	0	26	2	2	2
	2012	43	8	0	31	1	2	1
broj isključenih vozila iz saobraćaja zbog tehničke neispravnosti	2013	23	2	2	2	2	1	14
	2012	41	0	2	0	0	5	34
broj vozača zatečenih da upravljaju vozilom pod dejstvom alkohola	2013	555	139	119	30	22	69	176
	2012	192	50	18	9	14	25	76
broj vozača zatečenih da upravljaju vozilom bez korištenja sig. pojasa	2013	1.248	135	294	41	133	205	440
	2012	501	46	92	25	110	96	132
broj vozača zatečenih da upravljaju vozilom bez položenog vozačkog ispita	2013	245	55	46	17	23	22	82
	2012	89	19	19	11	8	3	29

broj vozača zatečenih da upravljaju vozilom pod izrečenom zaštitnom mj.	2013	0	0	0	0	0	0	0
	2012	0	0	0	0	0	0	0
broj vozila otkrivenih da učestvuju u saobraćaju bez važeće registracije	2013	200	37	15	23	16	26	83
	2012	74	10	5	8	14	3	34

Tokom mjeseca februara 2013. godine, kontrolisano je ukupno 21.077 vozila (7.335 više), 5.832 lica u vozilima (1.196 više), izvršen je pregled 561 vozila (223 više) i 455 lica u vozilima (84 više).

Zbog tehničke neispravnosti iz saobraćaja su isključena 23 vozila (18 manje), 555 vozača je zatečeno da upravljaju vozilom pod dejstvom alkohola (363 više), 1.248 bez korištenja sigurnosnog pojasa (747 više), 245 bez položenog vozačkog ispita (156 više), a 200 vozača je učestvovalo u saobraćaju bez važeće registracije (126 više).

Zbog kršenja propisa iz oblasti sigurnosti saobraćaja uručeno je 13.475 prekršajnih naloga vozačima (4.327 više u odnosu na februar prošle godine) i podneseno 46 zahtjeva za pokretanje prekršajnog postupka (tri više). Evidentirano je osam krivičnih djela zbog ugrožavanja sigurnosti javnog prometa (pet više).

### 3.4. MIRUJUĆI SAOBRAĆAJ I KONTROLA PJEŠAKA

Policijski službenici su i tokom mjeseca februara 2013. godine organizovali aktivnosti po pitanju saobraćaja u mirovanju i kontrole kretanja pješaka.

Protiv vozača koji su vozila nedozvoljeno parkirali na javnim površinama, uručen je 3.751 prekršajni nalog (1.425 više), upozoreno je 529 vozača (57 više), a specijalnim vozilom "pauk" premješteno je 316 vozila (258 više).

Najveći broj vozača koji su vozila nepropisno parkirali i prema kojima su preduzimate odgovarajuće mjere, evidentiran je na području općina: Stari Grad –1.078 uručenih prekršajnih naloga, Centar – 665.

U pogledu kontrole pješaka, uručeno je 170 prekršajnih naloga (146 više) i upozorena 123 pješaka (41 više).

## 4. ZAKONITOST U RADU

Tokom mjeseca februara 2013. godine, registrovana su dva napada na policijske službenike (u istom mjesecu prošle godine nije bilo napada). Napadi su izvršeni na policijske službenike Prve i Četvrte policijske uprave od strane dva punoljetna lica koja u lišena slobode.

Policijski službenici su u jednom slučaju opravdano upotrijebili silu (isto): fizičku snagu i sredstva za vezivanje od strane policijskih službenika Jedinice za saobraćaj.

Tokom mjeseca februara 2013. godine registrovano je 27 predstavlki na rad službenika policije među kojima je za šest predstavlki (10 manje) data saglasnost za sprovođenje unutrašnjih istraga, a za 21 predstavku je donesen zaključak da je neosnovana.

Postupano je po devet predstavlki iz ranijeg perioda, tako da je razmatrano ukupno 15 predstavlki (15 manje).



Okončano je pet unutrašnjih istraga, među kojima u dva slučaja nije bilo dovoljno dokaza, u dva slučaja stranka je odustala od žalbe, dok je u jednom slučaju predstavka neosnovana.

Takođe, uz saglasnost Ureda za pritužbe javnosti, postupano je po 23 razna akta koji nisu imali karakter predstavke.

#### 4.1. PRAVNA REGULATIVA

-U toku su aktivnosti koje se odnose na radnu verziju Akcionog plana za prevenciju maloljetničkog prijestupništva i rada sa maloljetnicima u sukobu sa zakonom 2013-2015. godine.

-Preduzete su potrebne aktivnosti u vezi izrade šifrnika Zakona o javnom okupljanju Kantona Sarajevo.

-Pokrenuta je inicijativa za formiranje radne grupe oko izrade novog Pravilnika za upotrebu sile.

#### 4.2. STRATEGIJA BORBE PROTIV KORUPCIJE

Uprava policije je tokom mjeseca februara tekuće godine, nastavila sa implementacijom Strategije borbe protiv korupcije u Upravi policije Ministarstva unutrašnjih poslova Kantona Sarajevo. U izvještajnom periodu registrovane su četiri žalbe koje se odnose na postojanje osnova sumnje da je počinjeno krivično djelo navedeno u Strategiji borbe protiv korupcije.

### **5. AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE**

U mjesecu februaru ove godine evidentirano je osam djela regulisanih ZONDINOM-om (dva više) počinjenih od strane osam lica od kojih su tri lišena slobode.

U sklopu aktivnosti na oduzimanju nelegalno posjedovanog oružja i drugih predmeta oduzeto je: devet pištolja, šest pušaka, 14 „noževa“ i 418 komada municije raznog kalibra.

Takođe, tokom mjeseca februara organizacione jedinice ovog Ministarstva, u saradnji sa štabovima Civilne zaštite, EUFOR-om, EUPM-om i Oružanim snagama BiH, aktivno su učestvovala u realizaciji akcije "ŽETVA 2013" s ciljem prikupljanja minsko-eksplozivnih sredstava, oružja, municije i druge vojne opreme. U navedenoj akciji prikupljeno je slijedeće naoružanje:

- ručne bombe – deset komada,
- mine, granate i sl. – jedan kom.,
- municija raznog kalibra - 298 komad, itd.

U izvještajnom mjesecu fizičkim licima izdata su 27 odobrenja za nabavku vatrenog oružja (45 manje) i 112 oružnih listova (32 više).

### **6. RAD POLICIJE U ZAJEDNICI**

U toku februara 2013. godine u okviru Rada policije u zajednici obavljane su brojne aktivnosti sa ciljem što efikasnije povezanosti i partnerstva policije i zajednice. S tim u vezi, održavani su redovni sastanci i kontakti sa nadležnim strukturama, kao i sa policijskim službenicima zaduženim za ovu oblast, sagledavano stanje u oblasti rada policije u zajednici u funkciji redovnog policijskog rada, ostvarivan neposredan uvid u stanje i rezultate, te sagledavane mogućnosti i pravci daljeg rada u ovoj oblasti.

Između niza aktivnosti koje su provođene u cilju što uspješnije realizacije Rada policije u zajednici i unapređenja saradnje sa društvenom zajednicom u proteklom mjesecu, izdvajamo sljedeće:

- Nastavljene su aktivnosti na realizaciji projekta „Sa policijom u kino“ čiji je realizator bila Uprava policije MUP-a Kantona Sarajevo, u saradnji sa predstavnicima filmskog i izdavačkog preduzeća „Tropic“ iz Zenice, kina „Cinema city“, te NATO-štaba Sarajevo. U okviru projekta djeca su bila u prilici pogledati dva nova i veoma popularna crtana filma. Pored toga, policijski službenici su učenicima pokazali i prigodne, edukativne video-klipove iz oblasti sigurnosti saobraćaja, međuvršnjačkog nasilja i zloupotrebe opojnih droga.
- U osnovnim školama učenicima su održana predavanja na teme: „Stop međuvršnjačkom nasilju“, „Neka znanje bude tvoje jedino oružje“ i „Prosjačenje“, te stim u vezi uručeni plakati, brošure i propagandni materijali.

**MINISTAR**

Dipl. pravnik Nermin Pećanac